



Reykjavík 16.6.2018

Landlæknisembættið,
Barónsstíg 47, 101 Reykjavík.

Velferðarráðuneytið,
b.t. Guðrún W. Jensdóttir, lögfræðingur,
Skógarhlíð 6, 105 Reykjavík,

Varðandi: Viðurkenningu á hæfi réttarlæknisfræðieiningar meinafræðideildar rannsóknasviðs á Landspítala til að bjóða sérnám í réttarlæknisfræði (e. forensic medicine).

Með tilvísan í 7., 8. og 15. gr. reglugerðar nr. 467/2015 um menntun, réttindi og skyldur lækna og skilyrði þess að hljóta almennt lækningaleyfi og sérfræðileyfi, svo og til starfsreglna nefndarinnar sem staðfestar voru af heilbrigðisráðherra 28. júní 2016, vill mats- og hæfisnefndin tilkynna að á fundi nefndarinnar þann 29.05. 2018 var ákveðið að viðurkenna með formlegum hætti eins til eins og hálfis árs upphafssérnám í réttarlæknisfræði sem gæti farið fram á réttarlæknisfræðieiningu og á meinafræðideild rannsóknasviðs og tengdum deildum Landspítalans. Nefndin skal samkvæmt ákvæðum reglugerðarinnar meta marklýsingu sérnámsins og hæfi heilbrigðisstofnunar eða deildar heilbrigðisstofnunar til að öðlast viðurkenningu sem kennslustofnun fyrir slíkt sérfræðináms.

Ákvörðunin var tekin með hliðsjón af endurskoðaðri marklýsingu sem byggir á alþjóðlegum leiðbeiningum um sérnám í réttarlæknisfræði. Fulltrúar réttarlæknisfræðieiningar meinafræðideildarinnar skiluðu marklýsingunni til mats- og hæfisnefndar í endanlegu formi þann 28.12. 2017 eftir endurskoðanir og yfirferð mats- og hæfisnefndar í júní 2017. Marklýsingin er meðfylgjandi (rafræn sending). Frekari útfærsla marklýsingarinnar hefur verið rædd við forsvarsmenn námsins. Námið hefur enn ekki hafist.

Réttarlæknisfræði er bæði sjálfstæð sérgrein og undirsérgrein meinafræði í reglugerð nr. 467/2015. Hún deilir að miklu leyti aðstöðu og kennurum með meinafræðideildinni sem hún telst stjórnskipunarlega vera hluti af á Landspítalanum.

Mats- og hæfisnefndin hefur rætt við forsvarsmenn námsins og kennslustjóra meinafræðinámsins sem jafnframt er kennslustjóri þessa náms. Sérfræðilæknir í réttarlæknisfræði (e. forensic medicine) á sæti í sérnámsnefnd meinafræðinnar þegar fjallað er um málefni réttarlæknisfræðinnar. Þá hafa umsagnir stjórnar Félags íslenskra rannsóknarlækna, framkvæmdastjóra lækninga á Landspítalanum, forstöðumanns fræðasviðsins í meinafræði við Læknadeild Háskóla Íslands og umsögn Embættis

Landlæknis borist um marklýsinguna, með tilvísan í 3. mgr., 15. gr. reglugerðar nr. 467/2015. Tveir fulltrúar og ritari nefndarinnar framkvæmdu úttekt á meinafræðideild Landspítalans þann 04.05.2018, skoðuðu námsaðstöðuna og ræddu námsferlið og aðstæður meinafræðideild og á réttarlæknisfræðieiningu Landspítalans við forsvarsmenn námsins. Velferðarráðuneytinu, Landlæknisembættinu og öðrum með beina aðild að náminu var áður send lýsing á úttekt á meinafræðideildinni til kynningar og hún er fáanleg hjá nefndinni. Viðmið nefndarinnar vegna matsins taka mið af dönskum og breskum/evrópskum vinnuvenjum og reglum varðandi úttektir á námsstöðum. Fyrir framkvæmd og kennslu í meinafræði og réttarlæknisfræði eru aðstæður að mestu leyti hinar sömu, en séraðstaða réttarlæknisfræðinnar hefur einnig verið metin. Fjallað var um námsaðstæður, þ.m.t. mönnun, umfang og inntak starfseminnar, vinnufyrirkomulag, faglega fundi, kennslu, námstækifæri og leiðsögn sem námslæknar fá, auk samvinnu við aðrar stofnanir og deildir spítalans og önnur skyld atriði. Athugasemdir frá mats- og hæfisnefnd og umsagnaraðilum hafa verið kynntar forsvarsmönnum námsins.

Nefndin viðurkennir hér með réttarlæknisfræðieiningu meinafræðideildar á rannsóknasviði Landspítala sem kennslueiningu í þessari sérgrein læknisfræðinnar. Um er að ræða allt að eins og hálfis árs upphafssérnáam með tilvísan í reglugerð nr. 467/2015. Námið er miðað við eina stöðu sérnámslæknis á deildinni. Námið er samkvæmt 8. gr. reglugerðarinnar á ábyrgð framkvæmdastjóra lækninga á Landspítala. Viðurkenningin tekur ekki til náms í undirsérgreinum. Sérnáminu mundi ljúka við viðurkennda erlenda stofnun í sérgreininni skv. ákvæðum reglugerðar nr. 467/2015.

Endurmat þessarar viðurkenningar skal skv. reglugerð 467/2015 fara fram eigi síðar en að fjórum árum liðnum, þ.e.a.s. vorið 2022, en verður væntanlega endurskoðað eftir að sérnámslæknir hefur hafið störf og ekki seinna en vorið 2020.

Yfirlit yfir viðurkenndar heilbrigðisstofnanir og marklýsingar skal með tilvísan í reglugerðina, birta á heimasíðu Embættis Landlæknis.

Virðingarfyllst, f.h. mats- og hæfisnefndarinnar,



Reynir T. Geirsson, próf. em.,

Formaður mats- og hæfisnefndar skv. reglugerð nr. 467/2015.

Afrit:

Ólafur Baldursson, framkvæmdastjóri lækninga, Landspítala

Hrund Scheving Thorsteinsson, deildarstjóri, menntadeild, Landspítala

Jón Hilmar Friðriksson, framkvæmdastjóri rannsóknasviðs, Landspítala

Bjarni Agnarsson, prófessor og forstöðumaður fræðasviðsins meinafræði, Læknadeild Háskóla Íslands

Sebastian Kunz, sérfræðilæknir og klínískur dósent, réttarlæknisfræðieiningu, meinafræðideild, rannsóknasviði, Landspítala

Jón Gunnlaugur Jónasson, prófessor og yfirlæknir, meinafræðideild, rannsóknasviði, Landspítala

Lárus Jónasson, sérfræðilæknir og kennslustjóri, meinafræðideild, rannsóknasviði, Landspítala

Anna Margrét Jónsdóttir, sérfræðilæknir, formaður Félags íslenskra rannsóknalækna

Engilbert Sigurðsson, prófessor, deildarforseti Læknadeildar Háskóla Íslands

Reynir Arngrímsson, formaður, Læknafélagi Íslands